

麥天罡加子陰上神得傳送金神為麥類在用神陰陽中人年立申申上得神后與傳送相生為物類與人年上神相生也是為可收也用起天罡天罡氣休老傳終皆得王相氣為後多利他效此

占諸欲畜生類可得否法第三十五  
正日時視日辰上神無魁罡騰蛇白虎即吉可畜收視其物類神王相臨有氣之鄉為吉多利魁罡所加不宜畜也

假令魁罡加未羊不可畜加亥猪不可畜他效此  
三五

占欲買車舟吉凶何如法第三十六  
正日時視日辰上神陰陽及用神傳中有六合太衝與吉將并合又與日相合者吉可乘為便利主與凶將并賊今日者損主勿乘之假令太衝與亥武并者乘而亡之與白虎并數載死人宜喪事他皆效此

黃帝龍首經卷上

黃帝龍首經卷下

占馬吉凶法第三十七

正日時以勝先占之勝先與吉將并臨所生之鄉即吉與凶將并臨所賊之鄉即凶以勝先上將及所臨之鄉吉凶深淺言之也

假令勝先與青龍太常并臨木火辰來未之地即吉是為良馬也若臨金鄉即咬人臨戌蹟及臨水為病臨丑喜走與亥武并因放自亡與白虎并且死與騰蛇并驚敗事他皆效此也

占牛善惡法第三十八

正日時以大吉占之大吉臨木為病臨火且驚以得賣臨金且欲賣之臨水田牛也臨土畜也若天地吟且用神與天一并臨有氣之鄉且入縣官與白虎并為自死與勾陳并為抵觸人與騰蛇并時時苦驚亥武并且亡遺他效此  
亡遺亥武并且亡遺  
法入貴於星下亦貴本動也

占羊可養得否法第三十九

正日時以小吉占之加金欲畜之加木欲殺之加大可畜加水為養耗與吉將并臨有氣

之鄉即吉與凶將并即凶得白虎為死加寅戌數逢狼加辰入墓亦死

占猪善惡法第四十

以登明加己午即放加水鄉潤豕加金木可畜加土為病死加王相鄉欲與天一太陰并為祀豕也與凶將并臨囚死之鄉為凶登明與白虎并即走失欲知生死以氣言之有生氣生有死氣死自死與騰蛇并為驚亡加日辰人年人墓亦死  
占亡夫登明加酉不得貴  
吉日辰陰陽  
未上從魁不得貴已上小能制之即得

占犬可畜否法第四十一

正日時以河魁占之予能捕鼠加卯能走獵加巳午善聲加未能聞加辰自死加亥賣之加寅狂走加戌嗜人與太陰并為用禱祀也

占雞可畜否法第四十二

正日時以從魁占之加未能聞加金水可畜加丑為自死或被殺加辰為子加未欲用祀與吉將并臨有氣之鄉即吉與凶將并又臨囚死之鄉即凶  
假令與騰蛇并為好驚作恠崇與朱雀并非

時好鳴與勾陳并難坐鳴與玄武并且亡走與白虎并為程所食也

占奴婢下賤利主否法第四十三

正日時視其日辰陰陽及用神傳中從魁與吉將并有王相休氣與今日日辰相生宜主

直用神上賊下皆為吉深利親附甚蕃息從魁不在日辰陰陽及用神傳中又與惡將并

而賊今日又用神賊上其為慢語欲害其主假令八月壬子日日昧時天罡加未占奴婢

吉凶傳送為玄武臨壬從魁為太常臨子從魁與壬而王相相生又在日辰陰陽中勝先

為用而臨酉上賊下此時占下賤者皆好假令十月乙卯黃昏時功曹加戌上賊下從

魁為六合臨巳不在日辰陰陽中又賊日小吉為用臨卯下賊上皆為慢誕欲害其主

可畜也

占買賣財物六畜知售否法第四十

膏者欲使今日之辰王相買者欲使今日之辰因死皆令物類之神在日辰陰陽及用傳

中與今日日辰相生即吉賣者可售買者可得若物類神不在日辰陰陽中及用傳中又與日辰上神相賊買賣俱不得其所

假令十月癸亥日日昧時功曹加未占人買賣牛小吉臨水陰上神得功曹勝先臨亥陰

上得大吉為在陰陽中又與辰上神不相賊賣之與買兩得其所

假令是庚辰日卜賣牛太衝臨庚陰上神得河魁登明臨辰陰上得勝先大吉不在日辰

陰陽中是無其類也日辰上神皆與大吉相賊買賣兩不得所

假令今日日上神賊大吉客不肯取辰上神賊大吉主不肯與日辰上神俱賊大吉要有

所語他效此

占人亡所在吉凶法第四十五

正日時視所問人鄉上神與今日比者不在比者為不在也假令今日甲也若問午地人在否午上神得傳送與甲為比比謂有甲申之例也則所問人在矣假令午上神得大吉無甲申為不比所問人不在

又一法欲行諸人家知人在否正日時神后臨日辰與婦女欲飲酒天罡臨日辰在後家欲訟錢太一加日辰其作小車者木器

小吉臨日辰其在林上卧未起傳送臨日辰行不在從魁臨日辰在後家天魁臨日

辰其人病登明臨日辰其在土上數錢大吉臨日辰在更家須更還

日辰在更家與長者客語

占欲上書奏記見貴人法第四十六

欲上書奏記及見貴人皆欲令所見事類神將上下自相好所臨上下相生即大吉得福

非此者凶

假令上書欲見王者天一居金火土而加金火土之辰見諸侯以太常見將軍以勾陳見

二千石以青龍見令長以朱雀效此非必在日辰陰陽中宜視其事類神將觀其所喜善惡也所應喜歸母子

占人奏文書勅事解否及何時來報法第四十七

日辰上得吉神將有王相相生即為吉功曹與吉將并青龍與吉神并者皆吉及直用神終見其子有救者為善解無救者為不解假令望文章所在之鄉在南方石功曹證明若青龍在北方下為且至以功曹證明臨日辰為至期法以傳終救神為至也

占詞訟吉凶事勝負法第四十八

以日上神為客主上賊下先者勝下賊上後者勝勝者不可令先者年上下相賊上下相賊雖勝後必敗殃日辰上下不相賊兩解不聞

假令八月丁巳日時加巳年立卯功曹加之勝先加丁日辰之陽神並比和此為兩解者准此若欲以長切則知勝負以今日長年辰為少壯也日勝辰長者勝謂日勝辰上神也辰勝日少者勝謂辰勝日上神也以日辰上將言之以知其勝負假令將得勾陳見以聞爭事相告也勾連將得白虎忿爭至死將得騰蛇恐死有罪罪謂被管也將得天空所言非是謂以論長短相

告也將得朱雀當欲訟謂爭口舌事也將得玄武胃辭而亡亦主妄言

假令訟者年立卯傳送臨之為年上下相賊先者為客後者為主

占諸吏謀對計簿當見上官知喜怒

法第四十九

正日時視日上得吉神將有王相及休氣與所欲見事類神將相生即吉

假令欲見王者以天一諸侯以太常將軍以勾陳卿相二千石以青龍令長以朱雀與日辰人年上下相生即喜悅所言並見聽非此者皆凶

假令欲見將軍勾陳所居神賊日辰人年上神即怒也日辰人年上神賊勾陳則將軍不肯見人雖不相生不欲相賊

占諸欲攻讎報隙法第五十

無本謀事類神賊謀事者年上神及地下辰皆凶假令諸欲報謀者之年立寅白虎在傳送上此白虎所居神賊人地年也假令謀者年立辰而功曹臨之而白虎所居

神賊功曹為賊人年上神皆凶不可行也

假令數人謀擊在各以其年上神與所立之辰與白虎所居神相賊則凶不相賊有王相

氣則吉王相者則謂人年上神將也謀殺人

以勾陳盜人以玄武謀燒人屋以朱雀匿罪

人以太陰六合謀娶婦女以天后諸所造為

事類皆欲令賊事者年上神也各取其事

類神三傳之終於王相為有福於囚死為有

賊也他准此

占諸被賊圍已陷陣客主勝負法第

五十一

正日時斗加四季利為客可先起兵斗加四

孟利為主宜後起兵兵常背神后擊勝先大

吉也斗加四仲不可起兵客主俱敗也若時

迫不得不戰即背小吉擊大吉此為逆兵也

天地吟無舉兵行伐必見圍也若日暮欲休

息者兵將常居今日小吉時前三辰是也

假令正月中大戰暮欲宿兵將軍常居卯辰

已寬坐不可伐小時常與月建俱也他皆倣

此

占欲獻寶物以遺尊者貴知勝吉凶法

第五十二

今日之辰王相又欲令所遺神好辰之上神及其所奉物類神即見物喜而愛敬也

假令奉王者以天一諸侯以太常乃至令長

丞尉以朱雀皇后夫人以天后庶人婦女以神后此為諸所遺著也

假令欲獻婦女物類等謂田宅以勝先殺米

牛以大吉雞犬以天魁豕以登明羊鷹酒

食以小吉奴婢飛鳥蟲豸以復魁虎狼野禽

以功曹船車格兔以太衝刀兵璧玉覆以傳

送蛟魚水蟲以天罡布帛衣服以太常錢財

寶物以青龍絲帛以太常布物以神后皮華

以白虎田蠶以勝先之類是也皆不欲令所

遺神好之辰上之神將得天空物損而無得

若相好而受者即樂其福也

假令三月辛卯日會時從魁加辰欲遺二千

石以璧玉功曹為太常臨酉傳送為朱雀臨

卯登明為青龍加午青龍為所遺神傳送為

奉物又為辰上神而青龍所居神好之二千

石必喜所奉物必得福報也神相曰假令二月乙卯日午時

占求婦女法第五十三

正日時視陰中有天后神上下相生日上神與辰上神不相剋賊即可得也若日神陰陽中無天后神天后上神與辰上神相賊者不可得也

占求婦女有兩三處此婦女可取誰

者為良相宜法第五十四

欲取求其鄉上神有與天后神后相生者可取也

假令九月甲子日平旦時太衝加寅求申鄉

女午鄉女辰鄉女者以神后為天后臨亥申

鄉上神得從魁午鄉上神得小吉辰鄉上神

得太一小吉土太一火與天后神相剋賊獨

從魁金與天后神后相生即取申鄉上女為

吉欲知婦好醜天后王相者好因死者醜也

欲知其顏色者以年上神言之神相曰天后在陽或乘王

相之氣為好而且少也若天后日死為醜老又神后加五長女加神中女加李少女亦柔以天罡年上神遇火加金為色赤白亦柔陰或月比者皆陰婦人

占夫婦相便安否法第五十五

各以其年上神相生即吉相賊即凶夫年上

神賊妻年上神妻有答妻年上神賊夫年上

神夫有答神相曰夫與妻相善妻注云夫妻

若吉神善將臨日辰上下相生者為吉若惡

神將臨日辰上下相剋者為去而不睦也一

云天占魁六合婦妻將隨人若六命相入

若為和反本不和一云日辰上神相剋神將

若并者妻不安其室日辰上下相剋神將

者煎焚不寧不寧為不安其室也一云

傳送太衝臨日辰者妻妾有二心一云大吉

妻妾外人也

占懷孕為男為女法第五十六

正日時視時下之辰與今日比者男假令甲

日時加午甲午為比比者生男

假令今日甲時加未未為時下之辰無甲未

為不比生女無疑也

又一法以天罡占之天罡加陽為男加陰為

女舊說云傳送加夫本命婦人遊年上得陽

神為男得陰神為女

占諸貴人欲救罪人得否法第五十七

正日時以直神言之傳得其子即有救  
假令木神直用傳得水神將而火在其上他  
效此傳得其子為將但許人耳而心欲  
相賺也

假令木神直用傳得土神而火在其上所謂  
用神得其子

假令正月丙子日從魁辛亥食時登明加辰  
勝先臨亥下賊上為用傳得其子為救

假令正月丙子日從魁加申大吉子上賊下  
為用子水懷憂大吉傳得功曹得憂者之子  
為有救助用神終不見憂者之子憂不解也  
他效此

占居處去留所宜法第五十八

視日辰上神將無王相休氣上下相剋宜去  
日辰上神之陰得吉神將王相休氣上下相  
生者宜留以陰陽神將言其形狀

假令白虎在陽以去者死喪不在陽可留他  
效此

占諸閩王甲有罪吉凶法第五十九

視日辰陰陽中有其事類與今日日辰比者  
是也不比者不是也  
假令閩某為盜今日甲也而勝先為玄武在  
日辰陰陽中即是也勝先午有甲午為比太  
一為玄武無甲巳為不比也

神與今日合則死與今日比亦死今日子  
與丑合為白虎是也非此者皆虛聞子孫  
凶亦門前比合之法若聞吉事視青龍與  
合臨日辰者是實也非此者不是若聞凶事  
傳視白虎所臨辰上神占之得青龍合與  
今日比者則所聞者不吉是實也然此則多  
不可備舉並在神推

占人所造為事成否法第六十

視其事類在日辰陰陽中與日上神相生者  
即吉若日辰陰陽中無其事類又與日上神  
相剋者不成

假令欲治宅而大吉勝先在陰陽中與日上  
神相生則吉成非此者為不成

占人有憂事得解否法第六十一

以問事時占之正日辰視日辰上及人年上  
得吉神將有王相氣直用神傳得其子為憂  
解用神為王相氣所傳得其子其子無氣雖

解猶難無氣不能制有氣用神為囚死所賊  
傳得其子其子囚死俱有氣為可解其子王  
相為憂兩解

假令十月丁亥時加未占憂疑勝先臨亥下  
賊上為王相所剋傳得大吉為得其子其子  
囚死氣為憂有解意然亦難

假令四月丙寅日丑時神后臨丙上剋下為  
囚死所賊為用火懷憂傳得小吉小吉火之  
子而有王氣為憂兩解也欲知解期視用神  
所生為吉期所畏為凶期也以用神所臨地  
辰所生為吉期所畏為凶期

假令勝先臨水為用以戌巳為吉期壬癸為  
凶期勝先臨金為用以壬癸為吉期丙丁為  
凶期他效此

占捕前事得否法第六十二

行時欲今日日辰上神與人年上神賊所求  
物神即日得若物類神賊日辰上神又害人  
年上神為凶凶即不得也所謂物類者虎豹  
以功曹虛先以太衝野獸豕以登明鳥以從  
魁馬以勝先

黃帝龍首經 卷下

100 A 802.5

占人始欲帶製新衣吉凶法第六十

三

正日時欲今日辰上得吉神將有王相氣又令青龍太常在日辰陰陽中陰陽中所居神與今日日辰相生者吉非此者凶縱青龍太常不在日辰陰陽中宜視青龍太常所居神與今日日辰相生者亦吉也

占弟子始事師得成達否法第六十

四

以今日之辰占之日為弟子身辰為所學者時下辰為師欲令其子加母時必見受道成於師又順天道又欲今日辰上得吉將神有王相者休氣上下相生其用神終於吉神將有王相氣者吉無令辰上神上下相賊其發用神又終於神上之墓而無氣者憂學不達也

假令正月丁卯日出時登明加卯丁為弟子身卯為所學者時下辰為師丁日加卯者子從其母也卯上神上下相生用終功曹將得金神不相刑又有王相之氣此為學者達

矣

占內寄者吉凶法第六十五

內寄者無令五行加其所憂及今日之辰陽神所臨之地辰賊今日日辰皆為害主人假令九月甲寅日時加酉內寄者此為五行

加其所憂又今日日辰陽神功曹臨申申為金賊今日甲寅木此為臨地辰賊今日日辰

也他做此又式經曰凡有定定欲內他人者此為時下之神害假今日之辰也謂申上之神也時下者謂日所加十二辰也辰之陽神也時下者謂日所加十二辰也辰之陽神也時下者謂日所加十二辰也辰之陽神也

占怪夢惡夢法第六十六

正日時視日辰人年上神將有王相休氣上下相生者吉非此者凶魁罡騰蛇白虎臨日辰人年者凶其神將王相變王事元喪凶其

用神在陽為憂分事在陰憂內事各以其家人年上神言之

假今年俱立惡將下未必俱惡以天罡所臨別加陽憂男加陰憂女加孟為長加仲傷家母加季憂小口門家人受殃在內身受殃在

占知死人魂魄出否法第六十七

正日時時下辰為死加辰上神勝日上神及時下辰者為復殺若太歲人年命日辰上見魁罡小吉騰天罡加陽男坐之加陰女坐之加孟為家長加仲傷家母加季憂小口天地伏吟殺不出天地反吟雖出復還魁罡臨日辰為復重殺非此者皆為出也欲知所牽為魁雄為罡也欲知凶鬼在家處所法視天上鬼星臨即是鬼所居處也式曰魁罡臨甲鬼丙在堂屋臨丁在靈臨戊在門臨乙在戶臨

(106) A 512 5

又一法欲知雄雌所起雌隨午雄隨丑

占葬事法第六十八

必先定五行若勝先時下辰與今日日不比及推式慎無令魁罡臨今日日辰又勿令白虎臨有氣之鄉即大吉後乃無咎不如法者禍起之始

假令十一月乙酉日申時欲令葬埋為日加申申為時下辰與乙為不比太一為白虎太一火冬死為無氣此時葬大吉欲知蒿里道常以天罡加太歲月建功曹傳送下地為蒿里道可葬其下大吉又後世不得蒿里道死不止無後嗣絕煙火也

假令神后加太歲功曹傳送下地是為地中蒿里道喪其下亦吉也為葬埋者擇時常令魁罡騰蛇白虎此四神藏沒四維中乃大吉

推葬日常以魁罡加月建功曹神大吉下日辰推月吉日常以魁罡加月建功曹傳送下日定開之日可葬勝先神后下滿成等日可娶婦

占始舉事有風雨否法第六十九

常以始舉事時正日辰功曹臨今日日辰在天一前即風起矣傳送臨今日日辰在天一後即雨至矣

又法得陽凶逢風得陰凶逢雨日辰上得陽神將為陽凶得陰神將為陰凶若天旱欲知

何日雨至以問時占之其用神傳終於有水神上者即有雨氣非水神者無雨氣必欲知何時雨者

假令傳得登明神后即雨傳視其陰得何神而知時也

假令得勝先以丙丁日雨得金神庚辛日雨得木神甲乙日雨得土神戊己日雨然得土

神雖兩猶早若得水神以壬癸日雨傳終無水神及得土神者並為旱也欲知旱幾時常有雨以九九筭之

假令用神傳得大吉大吉神臨子大吉丑丑數八子數九八九七十二當雨若大吉臨巳當四八三欲知今月雨多少何如以問時占之

用神傳終有水神即雨多無水神即雨少又一法以月將加暗龍在前三前五者雨在

後二後四者風雨旱虎在前亦風功曹為龍傳送為虎卯為雷子為雲雲從龍風從虎虎龍所乘神有氣必有風龍虎與雲雷并者必有大風雨又云傳送加日辰在天一後者雨也功曹臨日辰在天一後亦爾

又法欲知何日雨以大吉加月朔神后下大雨太衝下小雨

又法占雨何時止以月將加時視魁加四季不雨加申雨止加子為陰加巳午為旱加神后雨後有風加寅卯見白日

又法以月將加月建辛癸加地下辰晴求雨亦爾

又法魁罡加季止加孟不止加仲巳不已又法月將加月建視天上壬癸下加地辰是晴日壬子所臨亦雨也

占欲入山取物法第七十

正日時視日辰上神陰得吉神將王相休氣上下相生者吉為得物多矣陰得凶神將因死上下相賊者即凶必為陰雨泥塗為敗此謂陰凶逢雨將得白虎逢惡禽獸將得玄武

為寇盜日上神凶者尤甚辰上神陰凶可忍俱凶大惡

假令七月庚寅日平旦時太一加寅登明為朱雀臨庚太一為太常臨寅功曹為天后為登明陰傳送為青龍為太一陰皆所求得遂

日辰俱吉者尤吉俱凶者大凶

占欲入深水渡江河法第七十一

正日時視日辰上得吉神將有王相及休氣上下相生者即吉反此者大凶以風波為敗謂陰陽也

假令八月甲子日天罡加未登明為太陰臨甲從魁為太常臨子傳送為白虎為登明勝先為青龍為從魁此為陰也神柜云支傷干吉更長干傷支吉欲藏支干俱傷亦滅並吉也

占馳使往來信實否法第七十二

以便來時占之時勝日上神如其所言日勝時上神所言不實也辰上神亦如所言時與日辰相生欲來和合也又云辰上神與日上神相生者亦欲如其言也太陰天罡臨日辰

及將軍年上其言不信傳送為朱雀天空加日辰者其言反覆口舌來為姦詐不自姦所左右邊即姦詐人也又占欲逃亡戰鬪當避

太一向之敗也太一正月在子二月丑三月寅四月卯審賊來否若太一神后加今日干

天罡小吉前若刑殺凶神俱加今日干為賊今日至支干上不見此神為不來也望見道

上人疑是賊否支傷還可前干傷還不可前又道上望見人以月將加時視日上辰加功曹傳送登明見吏若神后太一姦人盜賊魁

里主喪若病人從魁勝先太衝小吉白衣人神后臨卯為冤家也  
次客一用起神后二從魁三功曹四登明五天罡六大吉七勝先八太衝九傳送十太一十一天魁十二小吉陽取後三陰取前五

黃帝龍首經卷下

黃帝金匱玉衡經

卷五

黃帝曰吾授汝此圖金匱玉衡經二十秘之苟非其人道不虛行垂拱無為而知未明不出房戶可知天下不出戶房可致真王明視登明所臨吉凶自非至精此術不通閉口閉

口禍害不從泄露道真其命必窮異域之法體道亦同秘之藏之勿見愚蒙天一貴神位

在中宮據璇璣把玉衡統御四時攬攝陰陽手握繩墨位正魁罡左房右參背虛向張四七布列首羅八方規矩乾坤嗟吸陰陽首五

德六以顯吉凶青龍主左係屬角尤白虎輔右正左常來朱雀在前翻舞翼張玄武在後承德收功六合厨傳勾陳將軍騰蛇誅斬金鉞鏘鏘天后貴配太常臺即太陰陰將主錄後宮天空下賤主侍帝庭白虎傷害其吉

凶各有部署不得縱橫天一統理中外清明奎木水火各有列行不治魁罡初建戌己天之本鄉故能治中神氣所藏甲子終癸百戌亥孤虛王父之墓不在旬中不治魁罡是謂重山三十六用金匱玉房天一最尊為之主